

四庫全書

集部

欽定四庫全書

文苑英華卷一百七十七 宋 李昉等 編

應制十 送餞

餞中書侍郎來濟二首

幸望春宮送朔方軍大總管張仁亶六首

送沙門弘景等還荊州二首

送張說巡邊二十二首 送崔日知往潞州二首

餞王峻巡邊二首 送宇文融安輯戶口一首

送李邕之任滑臺一首 送新除岳牧一首

送十道採訪使及朝使二首

送李尚書入蜀一首

送不蒙都護兼鴻臚卿歸安西一首

餞中書侍郎來濟

唐太宗

曖曖去塵昏 灞岸飛飛輕蓋指 河梁雲峰衣結千重葉

雪岫花開幾樹粧

初學記
作芳

深愁黃鶴孤舟遠 獨歎青山

別路長 聊將分袂沾襟淚 還用持添離席觴

奉和餞來濟應詔

許敬宗

萬乘騰鑣警岐路百壺供帳餞離宮御溝分水聲難絕
廣宴當歌曲易終興言共傷千里道俯迹聊示五情同
良哉既深留帝念沃化方有贊天聰

奉和幸望春宮送朔方軍大總管張仁亶

李嶠

玉塞征驕子金符命老臣三軍張武節萬乘餞行輪
猛氣陵玄朔崇恩降紫宸投醪還結士辭第本忘身露

下鷹初擊風高鴈欲賓方銷塞北侵還靜漠南塵

同前

劉憲

命將擇耆年圖功勝必全光輝萬乘餞威武二庭宣中
衢橫鼓角曠野蔽旌旗推食天厨至投醪御酒傳涼風
過鴈苑殺氣下鷄田分閭恩何極臨岐動睿篇

同前

李义

邊郊草具腓河塞有兵機上宰調梅寄元戎細柳威武
貌東道出鷹隼北庭飛玉匣謀中野金輿下太微投醪

銜餞酌緝衮事征衣勿謂公孫老行間奏凱歸

同前

蘇頌

北風吹早鴈日夕渡河飛氣冷膠應折霜明草正腓老

臣帷幄筭元宰廟堂機飲酒回先蹕

前卷作
仙蹕

臨戎解御

衣軍裝乘曉發師律候春歸方佇勲庸盛天詞降紫微

同前

鄭愔

御蹕下都門軍麾出塞垣長楊誇武騎細柳接戎軒
曲風雲動邊威鼓吹喧坐惟將闔外俱是報明恩

同前

李適

地限驕南牧天臨餞北征解衣延寵命橫劍總威名豹
畧恭宸旨雄文動睿情坐觀膜拜入朝夕受降城

送沙門弘景道俊玄奘還荊州應制

李嶠

三乘歸淨域萬騎餞通莊就日離亭近彌天別路長荆
南旋杖鉢渭北隈津梁何日紆真果還來入帝鄉

同前

李乂

初日承歸旨，秋風起贈言。
漢珠留道味，江璧返真源。
地出南關遠，天回北斗尊。
寧知一柱觀，却啓四禪門。

送張說巡邊

有序
不錄

唐玄宗

附見張
說集

端拱復垂裳，長懷御遠方。
股肱申教義，戈劍靜要荒。
命將綏邊服，雄圖出廟堂。
三台入武帳，八座起文昌。
寶胄

匡朝

集作
韓

主華宗，輔漢王。
茂先慚博物，平子謝文章。
盡

節恢時佐，翰誠禦寇塲。
三軍臨朔野，駟馬即戎行。
鼓吹

威夷狄，旌軒溢

集作
益

洛陽雲臺先著美，今日更貽芳

將赴朔方軍應制

張說

禮樂逢明主，韜鈴用老臣。恭憑神武策，遠禦

集作御

鬼方

人供帳，榮恩餞山川。喜詔巡天文，日月麗朝賦。管絃新

幼志傳，三畧衰材謝。六鈞膽猶忠，作屏

集作伴

心固

集作故

道為隣，漢保河南地。胡清塞北塵，早

集作連

年大軍後，邇

集作不

日小康辰。劍舞輕離別，歌酣忘苦辛。從來思博望

許國不謀身

奉和聖製送張尚書巡邊

源乾曜

匈奴邇河朔漢地須

集作復

戎旅天子擇英才朝端出監

撫流星下閭闔寶鉞專公輔禮物生光輝宸章

集作意

備

恩詔有征視

集作是

矛戟制勝唯尊俎彼美何壯哉桓桓

擅斯舉聲華振臺閣功德標文武奉國知命輕忘家以

身許安人在勤恤保大殫襟腑此外無異言同情報明

主

以下十篇並附載張說集

同前

張嘉貞

天錫我宗盟元戎付夏卿多才兼將相必勇獨橫行經

緯稱人傑文章作代英山川者是陣草木想為兵不待
河水合猶防塞月明有謀當繫醜無戰且綏氓閭外傳
三畧雲中冀一平感恩心共集作共心盡悵別旅魂驚直視
前旌掣遙聞後騎鳴還期方定日復此出郊迎

同前

宋 璟

帝道薄存兵王師尚有征是關司馬法爰命總戎行盡

集作畫閻崇威信分麾盛寵榮聚觀方結轍出祖遂傾城

聖酒江河潤天詞象緯明德風邊草偃勝氣朔雲平宰

國推良器為軍挹美集作聲至和常得體不戰即亡精
以智泉寧竭其徐海自清遲還廟堂座贈別故人情

同前

盧從愿

上將發文昌中軍靜朔方占星引旌節擇日拜壇場禮
樂臨軒送威聲出塞揚安邊俟帷幄制勝在巖廊作鼓
將軍氣投醪壯士觴戒途遵六月離贈動三光槐路清
梅暑蘅臯起集作麥涼時文仰雄伯耀武震遐荒衽席
知無戰兵戈示不忘佇聞歌杖杜凱入繫名王

同前

許景先

文武承邦式風雲感國禎王師親賦政廟畧久論兵漢
主知三傑周官統六卿四方分閭受千里坐謀成介冑

辭前殿壺觴宿左營賞延頒賜厚集作重宸贈出車榮龍

武三軍氣魚鈴五校名郊雲駐旌羽邊吹引金鉦訓集作

捧旅方稱德安人更克貞佇觀銘石罷同聽凱歌聲

同前

韓休

一德光台象三軍賞集作掌夏卿來威申廟畧出總叶師

貞受鉞辭金殿憑

集作
覩

軒出

集作
去

鼎城曙光搖組甲踈

吹遶雲旌左律方先凱中輦即訓兵定功張武事陳頌

紀天聲祖宴初留賞宸章更寵行車徒靈雨送林野夕

陰生路極河流遠川長朔氣平南轅進返旆歸奏謁承

明

同前

徐知仁

聖德膺三統皇威備

集作
被

八埏大明均照物小醜未寧

邊國相台衡重元戎廟畧宣紫泥方受命黃石乃推賢

問罪陰山下安人屬國前度關行照月乘障坐消烟北
闕紆宸藻南橋列祖筵耀威當夏日殺氣指秋天鞞鼓
鼉鼉振旌旗鳥獸懸由來詞翰首今見勒燕然

同前

崔羽錫

供帳何煌煌公其撫朔方羣僚御餞酌明主降離章關
塞重門下郊岐禁苑傍陳兵宜雨濯集作洗卧鼓候風涼

炎景寧云憚神謀肅所將旌搖天月迴騎入塞雲長赫
赫皇威振油油聖澤滂非唯按車甲魚以正封疆叱咤

陰山道澄清瀚海陽虜垣行決勝台座佇為光

同前

胡皓

燕公為漢將武德奉文思利用經戎莽英圖叶聖詒塞
沙制長策窮石捲摧旗萬里要相賀三邊又在茲稜威
方逐逐談笑坐怡怡寵餞紛郊道充厨竭御司嘗醪企
行邁聽樂罷漣而袞旒垂翰墨纓袞迭賦詩金山無積
阻玉樹有華滋請迨炎風暮歸旌候此時

同前

王翰

紫綬尚書印朱軒丞相車登朝身許國出閫將辭家不

憚炎蒸苦親嘗走集賒選徒軍有政集作令誓卒爾無譁

帝樂風初起王城日半斜寵行流聖作寅餞照台華騎

歷河南樹旌搖塞北沙榮懷應盡服嚴殺已先加業峻

靈祇保功成道路嗟寧如集作知恐非鑿空使遠致石榴花

同前

崔泰之

南庭荒服遠北斗將星飛旗鼓臨沙漠旌旄出洛畿關

山遼王塞烽火映金微屢獻帷謀策頻承廟勝威躑躅

臨河騎遠迤渡隴旂地脉平千古天聲振九圍車馬生
邊氣戈鋌駐落暉夏近蓬猶轉秋深草未腓餞送紆天
什恩榮賜御衣佇勒燕然頌鳴騶計日歸

同前

王丘

德業蘊時宗幽符夢象通台司計祈父師律總元戎出
入敷能政謀猷體至公贈行光睿什宴別感宸衷文炳
高天耀恩垂湛露融建牙之塞表鳴鼓接雲中策窳鬼
神秘威成劍騎雄朔門正炎月兵氣已秋風肅殺從此

始方乘天運隆

同前

蘇晉

方漢比周年興王今在宣並聞降虜拜復親出軍

集作師

篇祈父萬邦式英猷三畧傳算車申夏政爰舍起戎田

嚴問盈

集作盟

胡苑軍容濟洛川皇情悵關旆詔餞列郊

筵路接禁園草池分御井蓮離聲軫去角居念斷歸蟬
三捷豈云永七擒良信然具寮有誠寄望凱秋風前

同前

王光庭

賢相德符克朝推文武雄海波先若鏡關草預從風鉞
助將軍勇威成天子功瓊章九霄發錫宴五衢通玉輶
龍盤帶金裝鳳頸馳虎貌分擬擬河洛振熊熊戈劍千
霜白旌旃集作旗萬火紅示刑夷狄變流惠鬼神同冠息
軍容偃塵銷朔野空用師敷禮樂非是為獯戎

同前

袁暉

出師宣九命分閫用三台始應幕中畫言從天上來丹
青不獨任韜畧遂覈該坐見威稜洽彌彰事業恢旌旗

曉雲送鞞鼓朔風催虜氣銷殘月邊聲韻落梅羽書雄

北地龍漢寢南埃

集作埃

寵戰黃金盡輸戈

集作誠

白日迴

離章宸翰發祖讎國門開欲識恩華盛平生文武才

同前

席 豫

聖帝重兵權分麾屬大賢中軍仍執節

集作政

丞相復巡

邊翕習戎裝動張皇廟畧宣朝榮承睿札野餞轉行旃

亭障東緣海沙場北際天春冬見巖

集作巖

雪朝夕候烽

烟已勒封山記

集作燕山頌

猶聞遣戍篇五營將月合八陣

與雲連經絡

集作畧

圖方遠懷柔道更全歸來盡麟閣霽

霽武功傳

同前

張九齡

宗臣事有征廟算在休兵天與三台座人當萬里城朔

南方偃革河右斲

集作警非

揚旌寵錫從仙禁光華出漢京

山川勤遠畧原隰軫皇情為奏薰琴唱仍題寶劍名聞

風六郡伏計日五戎平山甫歸應疾留侯功復成歌鐘

旋可望衽席豈難行四牡何時入吾君聽履聲

同前

徐堅

至德撫遐荒神兵赴朔方帝思元帥重爰擇股肱良累
相承開地深籌叶子房寄崇專斧鉞禮備設壇場鞞鼓

喧雷電戈劍凜風霜四黃

集作
騏

將戒道十乘啟先行聖

賜

集作
錫

加恒數天文耀寵光出郊開帳飲寅餞感離章

雨濯梅林潤風秋麥野涼燕山應勒頌麟閣佇名揚

同前

崔日用

軒相推風后周官重夏御廟謀能允迪韜畧又縱橫吉

日差集作四黃馬宣王六月兵擬清鷄鹿塞先指朔方城

列將懷威撫匈奴畏盛名去當推轂送來佇出郊迎絕
漠蓬將斷華筵槿正榮壯心看舞劍別緒應懸旌虜錫
承優旨乾文復寵行整勞期永逸赫矣振天聲

同前

賀知章

荒憬盡懷忠梯航已自通九攻雖不戰五月尚持戎遣
戍徵周牒恢邊重漢功選車命元宰授律取文雄胄出
天弧上謀成帝幄中詔旂分夏物專討錫唐弓帳宿伊

川

集作生

右鈺傳

集作吹

晉苑東饗人藉黃實樂正理絲桐

岐陌涵餘雨離川照晚

集作晚

虹菴聞詠方叔千載舞皇

風

賜日知往潞州

唐玄宗

潞國開新府壺關寵舊林

集作臨

妙旌循吏德持

集作特

悅

庶眊心禮樂中朝貴仁明列郡欽揚風非贈扇易俗是

張琴藩鎮謳謠滿

集作洽

行宮雨露深會書丞相策先賜

潁川金

奉和賜崔日知往潞州應制 張說

聖情留曩鎮佳氣翊興王增戟雄都府高車轉太常川
橫八練濶山帶五龍長連帥初恩命天人舊紀綱餞途
飛御藻闔境自生光明主徵循吏何年下鳳凰

餞王暎巡邊

唐玄宗

振武威荒服揚文肅遠墟金壇申將禮玉節授軍符免
胄三方外銜刀萬里餘昔時吳會靜今日虜庭虛分閫
仍推轂援桴且訓車風颺旌旗遠雨洗甲兵初坐見台

階謚行聞祆祲除檄來須插羽箭去亦飛書舟楫功斯
著鹽梅望匪疎不應陳七德欲使化先敷

奉和餞王暄巡邊應制

張說

六月歌周雅三邊念夏御欲施攻戰法先作簡稽行禮
樂知謀帥春秋識用兵一勞堪定國萬里即長城策有
和戎利威傳破虜名軍前雨洒道樓上月臨營別藻瑤
華降同衣錦褱榮關山由義近戈甲為恩輕絲竹路傍
散風雲馬上生朝廷謂吉甫邦國望君平

奉和聖製送宇文融安輯戶口應制

前人

至德臨天下勞情遍九圍
念茲人去本蓬轉將何依
外避征戍數內傷親黨稀
嗟不逢明盛胡能照
隱微栢臺簡行李
蘭殿錫朝衣
別曲動秋風
恩令生春輝
使出四

集作西

海安詔下萬心歸
忤無夔龍佐徒歌鴻鴈飛

送李邕之任滑臺

唐玄宗

漢家重東郡宛彼白馬津
黎庶既蕃殖臨之勞舊臣
遠

別初道路今行方及春課成應第一良牧爾當仁

奉和聖製漕橋東送新除岳牧應制

蘇題

寶賢不遺俊臺閣盡鷓鴣未若調人切其如簡帝難上
才膺出典中旨念分官特以專城貴深惟列郡安政行
思務本風靡屬勝殘有令田知急無分獄在寬至言題
睿札殊渥洒仙翰詔餞三台降朝榮萬國歡舉杯臨水
發張樂擁橋觀式佇東風會鏘鏘簡玉壇

奉和聖製送十道採訪及朝集使

張九齡

三年一上計萬國趨河洛課最力已陳賞延恩復博垂
衣深共理改瑟期咸若首路迴竹符分鑣揚木鐸戒程
有攸徃詔餞無淹泊昭晰動天文殷勤在人瘼侍
久聖念茲克終朝所托行矣當自強春耕庶秋獲

集作
侍

奉和聖製暮春送朝集使歸郡應制

王維

萬國仰宗周衣冠拜冕旒玉乘迎大客金節送諸侯祖
席傾三省褰帷向九州楊花飛上路槐色蔭通溝來預
鈞天樂歸分漢主憂宸章類河漢垂象滿中州

奉和聖製送李尚書入蜀

張九齡

睿言感忠義何有間山川徇節今如此離情空復然皇
心在勤恤德澤委昭宣周月成功已

集作
后

明年或勞旋

奉和聖製送不蒙都護兼鴻臚卿歸安西應制

王維

上卿增命服都護揚歸旆雜虜盡朝周諸胡皆自郤鳴
茄瀚海曲按節陽關外落日下河源寒山盡秋塞萬方
氛稜息六合乾坤泰無戰是天心天心同覆載

文苑英華卷一百七十七

欽定四庫全書

文苑英華卷一百七十八 宋 李昉等 編

應制十一

寺院四十首

雜題六首

宮觀十三首

雜題六首

寺院

過慈恩寺

唐太宗

日宮開百仞月殿聳千尋
花蓋飛員影幡虹曳曲陰霞

綺遙籠帳叢珠細網林寥廓烟雲表超然物外心

奉和同前應制

許敬宗

鳳閣隣金地龍旂拂寶臺雲楣將葉並風牖送花來月
宮清晚桂虹梁絢早梅梵鏡留宸矚揆發麗天才

和九月九日登慈恩寺浮圖應制

李嶠

瑞塔千尋起仙輿九日來萸房陳寶席菊蕊散花臺御
氣鵬霄迥雜詠
作近升高鳳野開天歌將梵樂空裏共徘徊

同前

趙彥昭

出豫

一作御辦

乘嘉節憑高陟

一作高出

梵宮皇心滿塵界佛迹

見虛空日月宜長壽天人

一作人天

得大通喜聞題寶偈受

記莫由同

同前

鄭愔

見雜詠

湧霄開寶塔倒影駐仙輿
鴈子乘堂處龍王起藏初秋
風聖主曲佳氣史官書願獻
重陽壽承歡萬歲餘

同前

劉憲

飛塔雲

集作香塔增

霄半清晨羽旆

一作仙鑪淨境

遊登高

一作臨

憑

季月遠近

一作寒廓

見中州御酒新寒退天文瑞景留

一作寶氣

浮

却邪將介福

一作獻壽

茲日奉千秋

同前

李又

湧塔開玄地高層瞰紫微鳴鑾

雜詠作鸞

陪帝出攀椽翊天

飛慶洽重陽壽文含列象輝小臣叨載筆無以

雜詠作此

頌

魏魏

同前

宋之問

見雜詠

鳳刹侵雲半虹旌倚日邊散花多寶塔張樂布金田時
菊芳仙醞秋蘭動睿篇香街稍欲晚清蹕扈歸天

同前

上官昭容

雜詠作
崔漢

帝里重陽節香園萬乘來却邪莫結珮獻壽菊傳杯塔
類承天藻門疑待佛開睿詞懸日月長得御

雜詠
作仰

昭回

閏九月九日幸揔持寺登浮圖應制

李嶠

閏節開重九真游下大千花寒仍薦菊座晚更披蓮刹

鳳回雕輦幡虹間綵旃還將西梵曲助入南薰絃

同前

雜詠作和聖製閏九月九日登莊嚴揔持二寺閣

宋之問

閏月再重陽仙輿歷寶坊帝歌雲稍白御酒菊尤黃
風鐸喧行漏天花拂舞行豫游多景福梵宇自生光

同前

劉憲

見雜詠

重陽登閏序上界叶時巡駐輦天花落開筵妓樂陳
城端剌柱見雲表露盤新臨睨光輝滿飛文動睿神

同前

李乂

見集本

清蹕幸禪樓前驅歷御溝還疑九日豫更想六年遊聖
藻輝纓珞仙花綴冕旒所欣延億載寧祇慶重秋

奉和幸三會寺應制

寺傳云蒼頡造書臺

李嶠

故臺蒼頡里新邑紫泉居歲在開金寺時來降玉輿龍
形雖起剎鳥迹尚留書竹是蒸青外池仍點墨餘天文
光聖草寶思合真如謬奉千靈日欣陪十地初

同前

鄭愔

鳥籀遺新閣旂訪古臺造書臣頡往觀藉帝羲來虜

覽山川匝宸心宇宙該梵音隨駐輦天步接承杯舊苑
經寒露殘池間劫灰散花將捧日俱喜聖慈開

同前

劉憲

宮堯蒼史臺敞朗紺園開戒旦壺人警翻霜羽騎來下
輦登三襲褰旒望九垓林披館陶榜水浸昆明仄網戶
飛花綴幡竿度鳥迴豫遊仙唱動瀟洒出塵埃

同前

李义

睿德摠無邊神臯懌勝緣二儀齊法駕三會禮香筵漢

闕中黃近秦山太白連臺疑觀鳥日池似刻鯨年滿月
臨真境秋風入御絃小臣叨下列持管謬窺天

同前

宋之問

六飛迴玉輦雙樹謁金仙瑞鳥呈真宇神龍吐玉泉淨
心遙證果睿想馱超禪塔湧香花地山圍日月天梵音
迎雨徹空樂倚雲懸今日登仁壽長者法鏡圓

同前

上官昭容

釋子談經處軒臣刻字留故臺遺老識殘簡聖皇求駐

躡懷千古開襟望九州
四山緣塞合二水夾城流宸翰
陪瞻仰天杯接獻酬
太平詞藻盛長願紀鴻休

奉和幸大薦福寺

寺即中宗舊宅

李嶠

鴈沼開香域鸚

一作鸚

林降綵旃還窺圖鳳宇更坐躍龍

川桂嶼朝羣辟蘭宮列四禪
半繩銀閣斷分砌寶繩連
甘雨申譙澤慈雲動沛篇
獸慚賢作礪空喜福成田

同前

趙彥昭

瑤地龍飛後金身佛現時
千花開國界萬善累皇基
北

闕承行幸西園屬住持天衣拂舊石王舍起新祠
刺鳳迎凋輦幡虹駐綵旗同沾小雨潤竊仰大風詩

同前

宋之問

香刹中天起宸遊滿路輝乘龍太子去駕象法王歸
殿飾金人影窻搖玉女扉稍迷新草木遍識舊庭闈
水入禪心定雲從寶思飛欲知皇劫遠初拂六銖衣

同前

鄭愔

舊邸三乘闕佳辰萬騎留蘭圖奉葉偈芝蓋拂花樓
圖

會人王法宮還天帝遊紫雲成寶界白水作禪流雁塔
昌基遠鸚林睿草抽欣承大風曲竊預小童謳

同前

劉憲

地靈傳景福天駕儼鈞陳佳哉藩邸舊赫矣梵宮新香
塔魚山下禪堂鴈水濱珠幡映白日鏡殿瀉青春甚歡
延故吏大覺拯生人幸承歌頌末長奉屬車塵

同前

李义

象設隆新宇龍潛想舊居碧樓披

集作披

玉額丹仗導金

輿代日興光近周星掩曜初空歌清沛筑梵樂美河書
帝造還三界天文賁六虛康哉孝理日崇德在真如

薦福寺應制

趙彥昭

雲驂驅半景星蹕坐中天國誕玄元聖家尋碧落仙玉
杯鷲薦壽寶筭鶴知年一觀雲華唱欣承道德篇

奉和同前應制

宋之問

梵筵光聖邸仙象覽宏規不改靈光殿因開功德池蓮
生新步葉桂長昔攀枝湧塔庭中見飛樓海上移聞韶

三月幸觀象七星危欲識龍歸處朝來雲氣隨

岳寺應制

前人

暫幸珠筵地俱憐石瀨清泛流張翠幕拂迴挂紅旌雅
曲龍調管芳樽蟻泛觥陪惟玉座晚復得聽鐘聲

少林寺應制

前人

紺宇橫天室回鑿指帝休曙陰迎日盡春氣抱岳流空
樂繁行漏香煙薄綵遊玉膏從此泛仙馭接浮丘

從幸香山寺應制

沈佺期

南山奕奕通丹禁，北闕峩峩連翠雲。
嶺上樓臺千地起，城中鐘鼓四天聞。
旃檀曉閣金輿度，鸚鵡晴林綵牋分。
願以醍醐參聖酒，還將祇苑當秋汾。

奉和聖製同皇太子遊慈恩寺應制

前人

肅肅蓮花界，熒熒貝葉宮。
金人來夢裏，白馬出城中。
湧塔初從地，焚香欲遍空。
天歌應春籥，非是為春風。

同前二首

張說

翼翼宸思

集作思

永煌煌福地開離光升寶殿震氣遶香

臺上界幡花合中天妓樂

集作日月

來願君無量壽仙藻屢

徘徊

二

朗朗神居峻軒軒瑞象威聖王

集作君

成願果太子拂天

衣至樂三靈會深仁四皓歸還聞渦水曲更繞白雲飛

奉和聖製七月十五日題章敬寺應制

崔元翰

妙道本非說殊途或異名聖人得其要俱以化羣生鳳

吹從上苑龍宮連直城花鬢列廣殿雲蓋一作駐前庭

松竹含新韻一作軒窓有餘清緬懷崆峒事須繼管絃

一作聲離相境都寂忘言理更精域中信稱大天下乃

為輕屈已由濟物堯心豈所榮

駕幸天長寺應制

釋廣宣

天界宜春賞禪門不掩關宸遊雙闕外僧隱百花間車

馬喧長路煙雲淨遶山觀空復觀俗皇鑒此中間

駕幸普救寺應制

前人

南方寶界幾由旬八部同瞻一佛身
寺壓山河天宇靜樓懸日月鏡光新
重城柳暗東風暖複道花明上苑春
向暖鸞輿歸鳳闕曲江池上動青蘋

駕幸聖容院應制

前人

大唐國裏千年聖王舍城中百億身
却指容顏非我相自言空色是吾真
深殿虔心隨寶輦廣庭徐步引金輪
古來貴重緣親近狂客慙為侍從臣

紅樓院應制

前人

紅樓疑見白毫光，寺逼宸居福盛唐。
支遁愛山情漫切，曇摩泛海路空長。
經聲夜息聞天語，鑪氣晨飄接御香。
誰道此中難可到，自憐深院得徊翔。

寺中賞花應制

前人

東風萬里送香來，上界千花向日開。
却笑霞樓紫芝侶，桃源深洞訪仙才。

寺中柿樹一帶四顆詠應制

前人

珍木生竒畝，低枝拂梵宮。因開四界分，本自百花中。當
夏陰涵綠，臨秋色變紅。君看藥草喻，何減太陽功。

雜題

降誕日內庭獻壽應制

前人

慶壽千齡遠，敷仁萬國通。登霄欣有路，捧日愧無功。仙
駕三山上，龍生二月中。脩齋長樂殿，講道大明宮。此地
人難到，諸天事不同。法筵花散後，空界滿香風。

早秋降誕日獻壽二首應制 前人

秋蕙開七葉元聖誕千年繞殿祥風起當空瑞日懸道
光中國主人識大羅仙敢贊無疆壽香花上法筵

二

萬方瞻聖日九土仰清光罄地山河壯彌天福壽長瑞
烟薰法界真偈啟人王願獻千秋樂千秋樂未央

禁中法會應制

前人

天上萬年枝人間不可窺道場三教會心地百王期待
讀沾恩早傳香駐日遲在筵還向道通籍許言詩空媿

陪仙列何階
答聖慈從今精至理
長願契無為

再入道場紀事應制

前人

南方歸去再生天
內殿今年異昔年
見闢乾坤新定位
看題日月更高懸
行隨車輦登仙路
坐近鑪烟講法筵
自喜恩深陪侍從
兩朝長在聖人前

雜言奉和聖製至承光院見自生藤感其得地
因以成詠應制

崔元翰

新藤正可翫
得地又逢時
羅生密葉交
綠蔓欲布清陰

垂紫蕤已帶朝光暖猶含輕露滋遙依千華殿稍上萬
年枝餘芳連桂樹積潤傍蓮池豈如幽谷無人見空覆
荒榛雜兔絲聖心對此應有感隱跡如斯誰復知懷賢
勞永嘆比物賦新詩聘丘園訪茅茨為謝中林士王道
本無私

宮觀

幸白鹿觀應制

李嶠

駐驛三天路回車萬仞溪真庭羣帝饗洞府百靈棲玉

酒仙壚釀金方暗壁題佇看青鳥入還陟紫雲梯

同前

崔湜

御旗探紫籙仙仗闕丹丘捧藥芝童下焚香桂女留

集作

流鷹歌無歲月鶴語寄春秋臣朔其何幸常陪漢武遊

同前

沈佺期

紫鳳真人劫斑龍太上家天流芝蓋下山轉桂旌斜聖
藻垂寒露仙杯落晚霞唯應問王母桃作幾時花

同前

劉憲

玄遊乘落暉仙宇暖霏微石梁縈澗轉珠旆掃壇飛芝
童薦膏液松鶴舞駮駮還似瑤池上歌成周馭歸

同前

李又

制蹕乘驪阜迴輿指鳳京南山四皓謁西岳兩童迎雲
幄臨玄圃露集作霞杯薦赤城神明近茲地何必往蓬瀛

同前

武平一

玉府凌三曜金壇駐六龍綵旒懸倒景羽蓋偃喬松玄
圃靈芝秀華池瑞液濃謬應沾舜渥長願奉堯封

同前

張說

洞府寒山曲天遊日旰回披雲看石鏡拂雪上金臺行
徑龍驂下松庭鶴轡來雙童還薦藥五色耀仙才

同前

徐彥伯

鳳輿乘八景龜錄向三仙日月移平地雲霞綴小天金
童擎紫藥玉女獻青蓮花洞留宸賞還旗繞夕烟

同前

蘇頲

碧虛清吹下藹藹入仙宮松磴攀雲絕花源接澗空受

符邀羽使傳訣駐香童詎似閒居日徒聞有順風

奉和御

一作聖

製登降聖觀與宰臣同望之作

王維

鳳宸朝碧落龍圖耀金鏡維岳降二臣戴天臨萬姓山
川八校滿井邑三農竟比屋皆可封誰家不相慶林疎
遠村出野曠寒山淨帝城雲裏深渭水天邊映佳集作喜
氣含風景頌聲溢歌詠端拱能任賢彌彰聖君聖

奉和聖製慶玄元皇帝玉像之作

前人

明君夢帝見

集作先

寶命上齊天秦后徒聞樂周王恥卜

年玉京移大像金錄會羣仙承露調天供臨空敞御筵
斗迴迎壽酒山近起爐烟願奉無為化齊心學自然

安國寺隨駕幸興唐觀應制 釋廣宣

東林何獻是西隣禪客垣墻接羽人萬乘遊仙宗有道
三車引路本無塵初傳寶訣長生術已證金剛不壞身
兩地盡脩天上事共瞻鸞駕重來巡

奉和華清宮觀行香應制
崔國輔

天子藥珠宮
瑤臺碧落通
豫遊皆汗漫
齋處即崆峒
雲物三光裏
君臣一氣中
道言何所說
寶曆自無窮

雜題

春日從駕新亭應制
劉孝綽

旭日輿輪動
言追河曲遊
紆餘出紫陌
出一作八迤邐度青

樓前驅掩蘭
徑後乘歷芳
洲春色江中滿
日一作雪華巖

上留江風傳
葆吹巖花映
采旂臨渦起
睿作駟馬暫停

翰侍從榮前阮雍容慙昔劉空然等彈一作翰非徒嗟

未道

一作皆
集本

侍從途中口號應制

閻朝隱

疵賤出山東忠貞任土風因敷河朔藻得奉洛陽宮一
顧侍御史再顧給事中常願粉肌骨持荅造化功

扈從出長安應制

杜審言

分野都畿列時乘川

集作六

御均京師舊西幸洛道此東

巡文物驅三統聲名走百神龍旗縈漏夕鳳輦拂

集作出

鈞陳撫迹地靈古遊情皇覽新山追散馬日水憶釣魚
人禹食傳中使堯樽遍下臣省方稱國阜問道識風淳
歲晚天行吉恩豐景從親歡娛包歷代宇宙兩宜春

集作

春
忽宜

初冬從幸漢故青門應制
沈佺期

漢皇建都邑渭水對青門朝市俱東逝墳陵共北原荒
涼蕭相闕蕪沒邵平園全盛今何在英雄難重論故基
仍岳立遺堞尚雲屯當極土功壯安知人力煩天遊戒

東首懷昔駐龍軒何必金湯固無如道德藩微臣諒多
幸參乘偶殊恩預此陳古事敢奏興王言

春日幸龍門應制

武三思

鳳駕臨香地龍輿上翠微星宮含雨色月殿抱春輝碧
澗長虹下雕梁早鷺歸雲疑浮寶蓋石似拂天衣露草
侵堦長風花遶席飛日斜宸賞洽清吹入重闈

駕幸龍門應制

宋之問

宿雨霽氛埃沅雲渡城闕河堤柳新翠苑樹花初發洛

陽花柳此時濃山水樓臺映幾重羣公拂霧朝翔鳳天子乘春幸鑿龍鑿龍近出王城外羽從琳瑯

集作
淋漓

擁軒

蓋雲罕纔臨御水橋天衣已入香山會山壁斬巖斷復連清流澄澈俯伊川塔影遙遙綠波上星龕奕奕翠微

邊層巒舊長千尋木春壑初飛

集作
分

百道泉彩仗紅旌

繞香閣下輦登高望河洛東城宮闕擬昭回南陌溝塍殊綺錯林下天香七寶臺山中春酒萬年杯微風一起祥花落仙樂初聞瑞鳥來鳥來花落紛無已稱觴獻壽

烟霞裏歌舞淹留景欲斜石關猶駐五雲車烏旂翼翼
留芳草龍騎駸駸映晚花千乘萬騎鑾輿出水靜山空
嚴警蹕郊外喧喧引耆人傾都南望屬車塵囂聲引颺
開黃道佳氣周旋入紫宸先王定鼎山河固寶命乘周
萬物新吾君不事瑤池樂時雨來觀農扈春

文苑英華卷一百七十八

欽定四庫全書

集部

文苑英華卷一百七十九至
八十三

詳校官太僕寺少卿_臣李廷欽

助教_臣常循覆勘

總校官進士_臣朱鈺

校對官中書_臣高 中

謄錄監生_臣官懋珩

浪中積春陰江上來柳葉帶風轉桃花含雨開聖情蘊
珠綺札命表英才顧憐砭砭質何以儷瓊瓌

餞廬陵內史王脩應令

前人

餞行臨上節開筵命羽觴迴池瀉飛棟濃雲垂畫堂踈
槐未合影反日暫流光園梅斂新藻階蕙結初芳

奉和簡文帝太子應令

劉孝威

太子天下本元良萬國貞周朝推上嗣漢代慙重明前
星涵瑞彩游雷揚遠聲三善得樂正百行紀司成九流

欽定四庫全書

文苑英華卷一百七十九

宋 李昉等 編

應令

附 應教

應令三十七首

應教二十四首

應令

侍遊新亭應令

梁簡文帝

神襟愍行邁岐路愴徘徊遙瞻十里陌傍望九成臺鳳
管流虛谷龍騎藉春蕓曉光浮野映朝煙承日迴沙文

遍已辨七經咸所精博聞強子政高才陵長卿禮尊逾

屈已德盛益卑情仙菊

類聚
作氣

貽鍾相儒道推桓榮延賢

博望苑視膳長安城園綺隨金輅浮丘侍玉笙智囊前

欽笏端士後垂纓九仙良所重四海更垂纓

初學記作
誰輕類聚

作東
傾

斑輪同笨乘甲館

類聚
作觀

齊蓬衡

奉和六月壬午應令

前人

玄圃棲金碧虛澗挹

一作
地

琨瑤築山圖碣岫穿池控

一作

類海潮雷奔石鯨動水澗牽牛遙乘龜猶怯渡鞭石遂

成

一作類為

橋崖崩下生窟壁峭上干霄噪蛙常蹶沸遊魚

或自跳荒徑橫臨浦空舟斜插橈愁鷓鴣集古樹白鷺隱

青苗神

一作作

心重丘壑散步

一作微

懷漁樵石壘元卿徑

枝掛許由瓢伊臣本寂寞一作默由來畏市朝為貪山水

心所意惟逍遙寄言周伯沆勞君擅穀綃

侍宴餞陸倕應令

蕭子顯

儲皇餞離送廣命傳羽觴侍遊追曲水開宴等清漳新
泉已激浪初卉始含芳雨罷葉增綠日斜樹影長

餞張惠紹應令

劉孝綽

鮮雲積上月凍雨晦初陽迴風翻

類聚作揚
集作飄

淑氣落景

煥

集木類聚
並作渙

新光竹萌始防露桂槭

集作
槭

已含芳瑤階

變杜若玉沼發攢蔣聖襟

集作
衿

惜歧路曲宴闢蘭堂

侍宴離亭應令

前人

輾轅東北望江漢西南永羽旗映日移鏡吹臨風警令

王愍追送纒

集木類聚
並作纒

舟宴俄頃掩袂眺征雲銜杯惜

餘景首燕徒有心局步何所

集木類聚
並作由

騁

侍宴集賢堂應令

前人

北閣

類聚作閣

時既

一作見

啓西園又已闕官屬引鴻鷺朝行

命金壁伊臣獨何取隆恩徒自昔布武登玉墀委坐陪
瑤席綢繆叅宴笑淹留奉觴酌壺人告漏晚烟霞起將
夕反景入池林餘光映泉石

侍宴應令

庾肩吾

副君時暇豫曾城聊近遊清池瀉飛閣踈樹出龍樓北
陸冰方壯西園春欲抽

類聚作周

梅心芳屢動蒲節促難收

徒然欣

類聚
作須

並命無以廁應劉

侍宴宣猷堂宴湘東王應令

前人

陳王驂駕反副后西園遊並命登飛閣列樹

類聚
作生

對芳

洲桂岩逢暮序菊水值窮秋竹徑簫聲發蘭門琴曲幽
徒奉文成誦空知思若抽

從皇太子出玄圃應令

前人

春光起麗譙屣步陟山椒閣影臨飛蓋鶯鳴入洞簫水
還澄故渚樹長合前橋綠荷生綺葉丹藤上細苗顧循

慙良藻何用擬瓊瑤

侍宴宣猷堂應令

前人

副君德將聖陳王才揆天歸來宴平樂置酒對林泉
爐香雜山氣殿影入池連豔舞時移節新歌屢上絃
聽曲慙回顧思經徒欲眠

侍宴餞湘東王應令

前人

陳王從遊士高宴入承華並載同連壁雕文類簡

一作棟

沙落猿時動樹墜雪乍

類聚作慙

搖花念此離筵促方愁別

路賒

奉和太子納涼梧下應令

前人

北園涼氣早步輦暫逍遙避日交長扇迎風列短簫山
帶彈琴曲桐橫棲鳳條懸門開溜水錦石鎮浮橋黑米
生蘇葉青花出稻苗無因學仙藻雲氣從飄颻

奉和春夜應令

前人

春牖對芳洲珠簾新上鈎燒香知夜漏刻燭驗更籌天
禽下北閣織女入西樓月皎疑非夜林疎似更秋水光

懸蕩壁山翠下添流詎假西園讌無勞飛蓋遊

暮遊山水應令得磧字

前人

餘香屬清夜西園恣遊歷入逕轉金輿開橋通畫艦

類聚

鷄作細藤初上援新流漸涵磧雲峰沒城柳電影開巖壁

侍宴餞新安太守蕭幾應令劉孺

芝蓋延藻

類聚作近薄

景畫石寫油雲玄覽多該洽聖思究

前聞徵密操

類聚作探

精義優游妙典墳餞飲參多士言贈

賦新文

侍宴餞東陽太守蕭子雲應令張纘

仲月發初陽輕寒帶春序綠池解餘凍丹霞霄疑新雨

良守謁承明仙舟式

類聚作

成蘭渚皇儲惜將邁金樽留宴

酌

征虜亭送新安王應令

徐陵

鳳吹臨南浦神駕餞東平亭迴漳水乘旆轉洛濱笙地
凍斑輪響風嚴羽蓋輕燒田雲色暗古樹雪花明歧路
一迴首流襟動睿情

奉和夏日應令

庾信

珠

初學記
作朱

簾卷嚴日翠幕蔽重陽五月炎蒸氣

初學記
作氣蒸

三時刻漏長麥隨風裏熟梅逐雨中黃開冰帶井水和
粉雜生香衫含蕉葉氣扇動竹風涼早菱生軟角初蓮
開細房願陪仙鶴舉洛浦聽笙黃

侍宴東宮應令

于仲文

銅樓充震位銀榜集佳賓青宮列紺幟紫陌結朱輪絃
調寶瑟曲歌動畫梁塵金卮傾斗酒瓊筵列八珍花驚

度翠羽萍散躍蘋鱗承恩叨並作扣寂繞陽春

侍皇太子宴應令

沈君道

副君監撫暇禁苑暫停輿

初學記
作車

水落金沙淺雲高玉

葉疎隨厨白羽扇

學記
作燕

逐釣紫鱗魚飽德良無已榮陪

終宴餘

同前

一作和初春
宴東堂應令

劉端

睿賞叶春芳開筵臨畫堂庭梅飄早粉簷柳變初黃八
珠羅玉姐九醞湛金觴箏響流飛閣歌塵拂妓行何必

西園夜空承明月光

奉和悲秋應令

王 冑

秋天擬文學秋水擅莊蒙草濕蒹葭露波卷洞庭風便

坐翻桑葉

一作
英

長坂歇蘭蕙簷喧猶有鶯波

疑作
陂

靜未

來鴻蟬噪

一作
唱

聞疑斷池清映似空劉安悲落木曹植

歎征蓬重明豈凝滯無累在淵冲隨時四序合應物五

情同發言形惻隱睿作挺神功下材均朽木何以慕雕

蟲

此篇前五韻按初學記作蕭愨秋日詩文苑一百五十八卷復云庾信作而此卷乃十韻共題王冑作觀其詞意只是一篇當以此本為正

宴樂修堂應令

江總

見初學記

肅城通甲觀承華啓畫堂北宮降恩賞西園度羽觴殊
思奉玉裕終宴在金房庭暉連樹彩簷影接雲光仙如
伊水駕樂似洞庭張彈絲命琴瑟吹竹動笙簧庸踈濫
應阮衰朽惡連章

奉和初秋西園應令

蕭愨

見初學記

池亭三伏後林館九秋前
清冷間泉石散漫雜風煙
菓開千葉影榴艷百枝燃
約嶺停飛旆凌波動畫船

奉和初春出遊應令

李百藥

鳴笳出望苑飛蓋下芝田
水光浮落照霞彩淡輕煙
柳色臨三月梅花隔二年
日斜歸騎動餘興滿山川

奉和禁苑餞別應令

褚亮

大蕃初錫瑞出牧邇皇京
暫以綠車重言承朱傳榮舒

桃臨遠騎垂柳映京營
惠化宣千里威風動百城
禁籞

芳春

初學記
作嘉

節神襟餞送情金笳催別景
玉管切離聲

野花開且落山鳥哢還驚
微臣夙多幸薄宦奉儲明
鈞
基慚作賦伊水濫聞笙
懷德良知久酬恩識命輕

奉和同太子監守違戀

韓王元嘉

乾象開層構離明啓少陽
卜征從獻吉守噐屬元良
逝

矣凌周頌遙哉掩漢莊
好士傾南洛多才盛北陽

初學
記作

場地分丹鷲嶺途間白雲鄉
儲誠虔曉夕宸愛積炎涼

珠壁連霄漢萬物仰重光

同前

薛元超

儲禁銅扉啓宸行玉軼遙空懷壽街吏尚隔寢門朝地
首瞻龍戟塵外想鸞鑣飛文映仙榜澀思叶神飈帝念

紆蒼陸乾文煥紫霄雲塘橫筆海平圃

山海經槐江之
山實維帝之平

圖振詞條欲應重輪曲鏘洋韻九韶

汴水早發應令

虞世基

夏山朝萬國軒庭會百神成功疇與讓盛德今為隣區

宇屬平一庶類仰陶鈞鑿蹕臨河濟表冕肅柴裡啓行
分七萃備物象三辰初初亘原隰濟濟咸播紳賜谷昇
朝景青丘發早春袞衣數帝則分器叙彛倫臨淄成誦
美河間雅樂陳薰風穆已被茂實久逾新

奉和長春宮應令

虞世南

瑤山盛風樂南皮象逸遊何如事巡撫民瘼諒斯求文
鶴揚輕蓋蒼龍飾桂舟汎沫縈沙嶼寒漸擁急流路指
八仙館途經百尺樓眷言昔游踐回駕且淹留後車喧

鳳吹前旌映采旂
龍駢駐六馬飛閣上
三休調諧金石
奏歡洽羽觴浮天文
徒可仰何以廁琳球

追從鸞輿夕頓戲下應令
前人

重輪依紫極前耀奉丹霄
天經戀宸扈仙鑣乘
星開鶴禁帶月下虹橋
銀書含曉色金輅轉晨飈
霧徹軒雲初學記
作營近塵暗斗城
遙蓮花分綉萼竹箭下
驚潮撫已慙龍幹承恩
集鳳條瑤山盛風樂抽
簡薦徒謠

春日出苑遊囑

唐玄宗

三陽麗景早芳辰
四序佳園物候新
梅花百般障去路
垂柳千條暗迴津
鳥飛直為驚風葉
魚沒都由怯岸人
唯願聖主南山壽
何愁不賞萬年春

和同前應令

張說

禁林艷裔發青陽
春望逍遙出畫堂
雨洗亭臯千畝綠
風吹桃李一園香
鶴飛不去隨青管
魚躍翻來入綵航
睿賞歡承天保定
道文更覩日重光

同前

賈曾

銅龍曉闕問安迴金輅春遊博望開渭水清光搖草樹
終南佳氣入樓臺招賢已從商山客託乘還徵鄴下才
臣在東周馱留滯忻逢睿藻日邊來

皇太子頻賜存問并索唱和新詩因有陳謝

釋廣宣

望苑招延後禪扉訪道餘祗言俟文雅何意及庸虛率
性多非學緣情偶自書清風聞寺響白日見心初重道
逢軒后崇儒過魏儲青宮列芳梓玄圃積瓊琚鄭鼠寧

容者齊筭久舍諸空懷受恩感含思幾躊躇

應教

和晉安王薄晚逐涼北樓迴應教

庾肩吾

向夕紛諠屏迎涼飛觀中樹影臨城日窓含度水風遙

天如接岸帆影似陵空陪文慙宋玉徒等侍蘭宮

詠朝林應教

前人

傳名乃外域入用信中京足欹形已正文斜體自平臨

堂對遠客命旅誓初征何如溜館下淹留奉盛明

奉和汎舟漢水往萬山應教 前人

桂棹沙棠船飄揚橫大川映巖沉水底激浪起雲邊迴

一作回

岸高花發春塘細草懸陪歌乘睿賞接醴侍恩筵

誰云李與郭獨得似神仙

北園新齋成應教 庾信

紅粉歧鳥翼山節拱蘭枝畫梁雲氣繞雕窓玉女窺月

懸唯反照蓮開長倒垂盤根細壞石行雨暴澆池長藤

連格徙高樹帶巢移鳥聲唯雜曲花風直亂吹白虎題
書觀玄熊帖射皮文絃入舞曲月扇掩歌兒玉節調笙
管金船代酒卮若論曹子建天人本共知

春初賦得池應教

張正見

遙天收宥雨高閣映奔曦雪盡青山路水消綠水池春
光落雲葉花影發晴枝琴樽奉終宴風月豈云疲

從籍田應衡陽王教

前人

帝京惟赤縣宸居映紫微塗山萬國仰滄海百川歸東

作事平秩仲月祀靈威含光開早扇閭闔啓朝扉洛城

鐘漏息靈臺雲霧卷森森虎戟前雷靄鸞旗轉屬車猶

類聚
作遊

絳闕風馬

類聚
作鳥

度丹嶽帳殿幸金輿旌門擁玉輦

玉輦帶飛烟金輿映綠川雨師清遠路風伯靜遙天分

渠通沃野激水入

類聚
作繞

公田草發青壇外花飛蒼玉邊

蒼玉臨

初學記
作陳

珪壁青壇躬帝籍冒楨乃三吹齊衡均

百辟蘭場儼芝駕桂圃芳瑤席山禽詠管絃野獸和鐘

初學記
作金

石鐘石既相和江海復無波梁客替裾盛陳王

文雅多脩塗參弱駘喬木閑
類聚作問輕羅幸承溫吹末擊壤自為歌

衡陽王秋夜應制

前人

睢苑涼風入章臺雲氣收螢光連燭動月影帶河流綠綺朱絃泛黃花素蟻浮高軒揚麗藻即事賦新秋

賦得新題梅林輕雨應教

前人

梅樹耿長虹芳林散輕雨蜀郡隨仙去陽臺帶雲聚飄花更濯枝潤石還侵柱誰
初學記作詎得零陵鷺隨風時共

舞

詠雪應衡陽王教

前人

九冬飄遠雪六出表豐年
睢陽生玉樹雲夢起瓊田
入窓輕落粉拂柳駛飛綿
欲動淮南賦亂下桂花前

暮秋望月示學士各釋愁應教 徐儀

碣石寒光遠

闕

秋色高長洲正下葉曲岸已飛濤
君

王悵晚節延佇謁神臯
復屬西園夜輕輦暫遊遨
遊遨未云賞蒼梧孤月上
枝間影合離波上光來徃
此夕未

央宮應照仙人掌，掌高明轉淨。夜深留睿想，處處敞高
扃。流照滿珠庭，重輪入雅曲。合璧應祥經，燦爛浮珠網。
參差間玉星，山幽有芳桂林。靜發新蕈，冀開在帝城。分
枝共月明，斜暉漸西落。彌軫闕歸情，驂駕且來遊。聖藻
命舒愁，詢芻以蠲毒。參妙本難酬，良吏稱太閔。因時命
應劉，楚王追綠兕。齊后出青丘，馳原落雲翼。截水曳吞
舟，無勞子虛詫。即事可忘憂。

賦得微雨

諸葛穎

微雨間

初學記
作間

東峰散漫灑長松
澗滿新流濁山霑積

翠濃風起還吹鶯
雲來本送龍
登年隨玉燭
名山定可

封

奉和望山應教

蕭愨

仙遊本多趣
復此上秋初
巖低石倒嶮
嶺高松更疎
峰

形疑鳥翅塞
路似狼居矚
望清

初學記
作情

無已詞
殫意有

餘

奉和濟黃河應教

前人

大蕃連帝室，駉駕奉皇猷。未明驅羽騎，凌晨方畫舟。

津城度維錦，岸柳夾緹油。

初學記
作鍾

聲揚別島旗，影照滄

流。早光生劍服，朝風起節樓。滔滔細波動，裔裔輕舠浮。
迴橈避近磧，放舳下前洲。全疑上天漢，不異謁蓬丘。望
知雲氣合，聽識水聲秋。從軍何等樂，喜從神仙遊。

奉和晚日楊子江應教

柳顧言

詰旦金鏡發，駉駕出城闈。鮮雲臨葆蓋，細草藉斑輪。千
里烟霞色，四望江山春。梅風吹落葉，酒雨減輕塵。日斜

歡未畢睿想良非一風生疊浪起霧卷孤帆出揆藻麗
繁星高論光朝日空羨郗枚侶終謝淵雲筆

初學記亦載一篇其題目與柳顧言姓名並同詩却
云大江都會所長洲有舊名西沅控岷蜀東汎通蓬
瀛未親織羅動先聽遠濤聲空濛雲色晦泱疊浪花
生欲知暮雨歇當觀飛旆輕未詳孰是

梅夏應教

薛道衡

長廊連紫殿細雨應黃梅浮雲半空上清吹隔池來集
鳳桐花散勝龜蓮葉開幸逢為善樂頻降濟時才

詠寒食聞鷄應秦王教

杜淹

寒食東郊上

雜詠
作道

揚鑿競出籠花冠
初照日芥羽正生

風願敵知心
勇先鳴覺氣
雄長翹頻掃陣利爪

雜詠
作距

屢

通中飛毛遍綠野
灑血積

雜詠
作散

芳聚雖然百戰勝
會自

不論功

奉教追赴九成宮途中口號
李嶠

委質承仙翰
祇命遙策事
偶從梁游人
非肯淮客長
驅歷川阜
迴眺窮原澤
鬱鬱桑柘繁
油油禾黍積
雨餘
林氣靜
日下山光夕
未攀叢桂巖
猶倦飄蓬陌
行當奉

麾蓋慰此勞行役

宴龍泓

有序
不錄

武三思

登臨開勝託眺矚盡良游
出嶸縈紆上澄潭曲屈流泛
蘭清興洽折桂野文道別後相思處
崎嶇碧澗幽

奉和梁王宴龍泓應教

宋之問

水府淪幽壑星輅下太微
烏驚司僕馭花落侍臣衣
芳樹搖春晚晴雲遶坐飛
淮王正留客不醉莫言歸

奉和夏日遊山應教

蔡文恭

首夏林壑清薄暮烟霞上連巘聳百仞絕澗臨千丈照
灼晚花鮮潺湲夕流響悠然動睿思息駕尋真賞披彼
渦州作懷茲洛濱想竊吹等齊竿何用承恩獎

勅借岐王九成宮避暑之作應教

王維

帝子遠辭丹鳳闕天書遙借翠微宮隔窓雲霧生衣上
捲幔山泉入鏡中林下水聲喧笑語巖間樹色隱房櫺
仙家未必能勝此何事吹笙向碧空

從岐王過楊氏別業應教

前人

楊子談經處
淮王載酒過
興闌啼鳥換
坐久落花多
逕轉迴銀燭
林開散玉珂
巖城時未啓
前路擁笙歌

從岐王夜宴衛家山池應教 前人

座客香貂滿
宮娃綺幔張
澗花輕粉色
山月吐燈光
積翠紗窓透
非作暗飛泉綉戶涼
還將歌舞出
歸路莫愁長

文苑英華卷一百七十九

欽定四庫全書

文苑英華卷一百八十 宋 李昉等 編

省試一

玄元皇帝應見賀聖祚無疆三首

皇帝移晦日為中和節一首

主上元日夢王母獻白玉環一首

元日望含元殿御扇開合一首

元日和布澤一首 中和節詔賜公卿尺三首

清明日賜百僚新火三首

九月九日勤政樓觀百寮獻壽一首

南至日隔霜仗望含元殿爐香三首

長至上公獻壽三首 恩賜耆老布帛二首

恩賜魏文貞公諸孫舊第以道直臣二首

御製段太尉碑二首 御題國子監門一首

御箭連中雙兔一首 太學創置石經一首

觀南郊回仗一首 聞擊壤一首

膏澤多豐年一首

東都父老望幸一首

嵩山望幸一首

華清宮望幸一首

謁見日將至雙闕一首

望凌烟閣一首

望禁苑祥光一首

晨光動翠華一首

觀北藩謁廟一首

西戎即叙一首

焚裘一首

觀慶雲圖三首

府試觀開元皇帝東封圖一首

藩臣應魏闕一首

玄元皇帝應見賀聖祚無疆 殷寅

應歷生周日脩祠表漢年復茲秦嶺上更似霍山前昔
贊神功起今符聖祚延已題金簡字仍訪玉堂仙睿祖
光元始曾孫體又玄言因六夢接慶叶九靈傳北闕心
超矣南山壽固然無由同拜慶竊拊賀陶甄

同前

李岑

皇綱歸有道帝系祖玄元運表南山祚神通北極尊大
同齊日月興廢應乾坤聖后趨庭禮宗臣稽首言千官

欣賜親萬國賀深恩錫宴雲天接飛聲雷地喧祥雲飛
紫閣喜氣繞皇軒未預承天命空勤望帝門

同前

趙鐸

聖主今司契神功格上玄豈唯求傅野更有叶鈞天審
夢西山下焚香北闕前道光尊聖日福應集靈年咫尺
真容近巍峩大象懸鵬從百寮獻形為萬方傳聲教惟
皇矣英威固邈然慚無美周頌徒上祝堯篇

皇帝移晦日為中和節

王季友

皇心不向晦改節號中和淑氣同風景佳名別詠歌
滄裙移舊俗賜尺下新科歷象千年正醑醕四海多花
隨春令發鳥度歲陽過天地齊休慶歡聲欲溢波

主上元日夢王母獻白玉環 丁澤

夢中朝上日闕下拜天顏彷彿瞻王母分明獻玉環
靈姿趨甲帳悟道契玄關似見霜姿白如看月彩彎
霓裳歸物外鳳歷曉人寰仙聖非相遠昭昭寤寐間

元日望含元殿御扇開合 張 莒

萬國來初歲，千年覩聖君。
輦迎仙仗出，扇匝御香焚。
俯對朝元近，雜詠作見先知曙色分。
冕旒開處見鐘磬，合時聞影動承朝日。
花攢似慶雲，蒲葵那可比。徒用隔炎氛。

元日和布澤

潘孟陽

至德生成泰，咸歡煦育恩。
流輝沾萬物，布澤在三元。
北闕祥雲迥，東方嘉氣繁。
青陽初應律，蒼玉正臨軒。
恩洽因時令，風和比化元。
自慚同草木，無以答乾坤。

中和節詔賜公卿尺

陸復禮

春仲令初吉歡娛樂大中皇恩貞百度寶尺賜羣公欲
使方隅法還令規矩同捧觀珍質麗拜受聖恩崇如荷
丘山重思酬分寸功從茲度天地與國慶無窮

同前

裴度

淑景風光媚

景雜詠
作節

皇明寵賜重具寮頌玉尺成器幸

良工豈止尋常用將傳度量同人何不取則物亦賴其
功紫翰宣殊造丹誠勵匪躬奉之無失墜恩澤自天中

同前

李觀

陽和行慶賜尺度為臣工

一作及
羣工

寵荷乘

一作承

佳節傾

心立大中短長思合製遠近貴相同共荷裁成德將酬

分寸功作程施有用

一作政

垂範播無窮願續延洪

一作南山

壽千春奉聖躬

清明日賜百寮新火

韓 濬

朱

一作玉

騎傳紅燭天厨賜近臣火隨黃道見烟遶白榆

新榮耀分他日

一作室

恩光共此宸更調金鼎味

一作膳

還

煖玉堂人灼灼千門曉輝輝萬井春應憐螢聚夜瞻望

及東隣

同前

史延

上苑連侯第清明及暮春九天初改火萬井屬良辰頌

賜恩逾洽承時慶自

雜詠
作亦

均翠烟和柳嫩紅焰出花新

寵命尊三老祥光燭萬人太平當此日空復荷陶甄

同前

王濯

御火傳香殿華光及侍臣星流中使馬燭耀九衢人轉
影連金屋分輝麗錦茵燭迎紅蕊發烟染綠條春助律

和風早添爐煖氣新誰憐一寒士猶望照東隣

九月九日勤政樓下觀百寮獻壽

沈亞之

御氣黃花節臨軒紫陌頭
早陽生彩仗霽色入仙樓
獻壽皆鴛鴦瞻天盡冕旒
菊罇過九日鳳曆肇千秋
樂奏薰風起盃酣瑞影收
年年歌舞度此地慶皇休

南至日隔霜仗望含元殿爐香 崔立之

千官賀長至萬國拜含元
隔仗鑪光出浮霜烟氣翻
飄

飄縈內殿漠漠澹前軒
聖日開如捧御雲
近欲渾輪困
洒宮闕蕭索散乾坤
願惹天風便披香捧至尊

同前

裴次元

冕旒初

一作親

負宸弁服盡朝天
賜谷初移

一作移初

日金爐

漸起

一作出御

烟芬香流遠近散
漫入貂蟬霜仗凝
逾白朱

欄映轉鮮始看浮闕
在稍見

一作竟

逐風遷為沐皇家慶

來瞻羽衛前

同前

王良士

抗殿疏龍首高樓接上玄節當南至日星是北辰天霜

一作寶

戟羅仙仗金爐引御一作瑞烟霏微霜闕近落曳九

門

一作州

連拂樹祥光滿分晴曙

一作曉

色鮮一陽今在歷

生植願陶甄

長至日上公獻壽

張叔良

鳳闕晴鐘度

一作動

鷄人曉漏長九重初啟鑰三事盡

一作

正稱觴日至龍顏近天旋聖歷昌休光連雪淨瑞氣雜

爐香化被君臣洽恩沾士庶康不因稽舊典誰得記

一作

紀
朝章

同前

李竦

候曉金門闢乘時玉厯長羽儀瞻上宰雲物麗初陽漢
禮方傳珮堯年正捧觴日行臨觀闕帝錫洽珪璋盛美
超三代洪休降百祥自憐朝不坐空此詠無疆

同前

崔琮

應律三微

一作陽

首朝天萬國同斗邊看子月臺上候祥

風五夜鐘初曉千門日正融玉階文物盛仙仗虎

雖詠
作武

唐諱
虎字 貌雄率舞皆羣辟稱觴即上公南山為聖壽長對

未央宮

恩賜者老布帛

李絳

渙汗中天發殊私海外存衰顏逢聖代華髮受皇恩
燭物明堯日垂衣闢禹門惜時悲落景賜帛慰餘魂
厚澤沾翔泳微生保子孫盛明今尚齒歡洽九衢樽

同前

張復元

殊私及耆老聖慮軫黎元布帛忻天錫生成在主恩情

均皆挾纒禮異責丘園慶洽時方泰仁瞻月告存寧知
酌雨露空識荷乾坤擊壤將何幸徘徊對九門

恩賜魏文貞公諸孫舊第以道直臣

陳彥博

阿衡隨逝水池館主他人天意能酬德雲孫喜庇身生
前由直道歿後振芳塵雨露新恩日芝蘭舊里春勲庸
留一代光彩映諸隣共賀昇平日從茲得諫臣

同前

裴大章

邢茅雖舊錫邸第是初榮迹往傷遺事恩深感直聲雲
孫方慶襲池館忽春生古甃開泉井新禽繞畫楹自然
垂帶礪况復激忠貞必使千年後長書竹帛名

御製段大尉碑

葉元良

多難全高節時清軫聖君園塋標石篆雨露降天文義
激忠貞沒詞傷蘭蕙楚國人皆墮淚王府已銘勲揭出
臨新陌長留對古墳睿情幽感處應使九泉聞

同前

薛存誠

葬儀從儉禮刊石荷堯君露迹垂繁藻天哀滿麗文詔
深榮嗣子海變記孤墳寶思皆涵象皇心永念勲雅詞
黃綃並渥澤紫泥分青史應同久芳聲萬古聞

御題國子監門

前人

宸翰符玄造榮題國子門筆鋒迴日月字勢動乾坤
下雲光絕梁間鵲影翻張英聖莫擬索靖妙難言為著
盤龍迹能彰舞鳳躡更隨垂露象常以沐皇恩

御箭連中雙兔

前人

宸遊經上苑羽獵向閒田狡兔初迷窟纖驪詎著鞭三
驅仍百步一發遂雙連影射含霜草魂消向月弦驪聲
動寒木喜氣滿晴天那似陳王意空垂樂府篇

太學創置石經

前人

聖唐復古制德義功無替奧旨悅詩書遺文分篆隸銀
鈎互交映石壁靡塵翳永與乾坤期不逐日月逝儒林
道益廣學者心彌銳從此理化感恩光遍遐裔

觀南郊回仗

前人

傳警千門寂南郊綵仗迴但驚龍再見誰識日雙開德
澤施雲雨恩光變燼灰閱兵貌武振聽樂鳳凰來倏刻
移宸輦尊時集觀臺多慚遠臣賤不得禮容陪

聞擊壤

前人

堯年聽野老擊壤復何云自謂歡由已寧知德在君氣
平閒易暢聲賀作難分耕鑿方隨日恩威比望雲簣桴
均下調和木等南薰無落於吾事誰將帝已聞

膏澤多豐年

前人

帝德方多澤，莓莓井逕同。八方甘雨布，四遠報年豐。
廩千箱在，幽流萬壑通。候時勤稼穡，擊壤樂農功。
畝畝人無惰，田廬歲不空。何須憂伏臘，千載賀堯風。

東都父老望幸

前人

鑿輿秦地久，羽衛洛陽空。彼土雖憑固，茲川乃得中。
龍顏覲白日，鶴髮仰清風。望幸誠逾邈，懷來意不窮。
昔因封泰岳，今佇躡維嵩。天地心無異，神祇理亦同。
翠華翔渭北，玉檢候關東。衆願其難阻，明君早勒功。

嵩山望幸

前人

峻極位何崇方知造化功降靈逢聖主望幸表維嵩
隱映連青壁嵯峨向碧空象車因叶瑞龍駕願升中
萬歲聲長在千巖氣轉雄東都歌盛事西笑佇皇風

華清宮望幸

前人

驪岫接新豐岵堯駕碧空鑿山開秘殿隱霧蔽仙宮
絳闕猶棲鳳雕梁尚帶虹溫泉曾浴日華館舊迎風
蕭穆瞻雲輦深沉閉綺櫳東郊望幸處瑞氣靄濛濛

望禁苑祥光

蔣防

佳氣生天苑，蔥龍幾效祥。
樹搖三殿際，日映九城傍。
仙霧寧同色，御雲未可彰。
眺汾疑鼎氣，臨渭想榮光。
當並春陵發，應開聖歷長。
微臣時一望，短羽欲飛翔。

晨光動翠華

闕名

早朝開紫殿，佳氣逐清晨。
北闕華旌在，東方曙景新。
影連香露合，光媚慶雲頻。
烏羽飄初定，龍文照轉真。
直宜冠佩入，長愛冕旒親。
搖動祥雲裏，朝朝映侍臣。

觀北藩謁廟

王卓

肅肅層城裏巍巍祖廟清聖恩覃布濩異域獻精誠冠
蓋分行列戎夷變姓名禮終齊百拜心潔盡忠誠瑞氣
千重色蕭韶九奏聲仗移迎日轉旆動逐風輕休運威
儀盛豐年俎豆盈不堪慚頌德空此望替纓

西戎即叙

李子昂

懸首藁街中天兵破犬戎營收低隴月旗偃度湟風肅
殺三邊勁蕭條萬里空元戎咸服罪餘孽盡輸忠聖理

符軒化仁恩契禹功降逾洞庭險臬擬邳支窮已散年

疑容捷還資妙筭通今朝觀即叙非與獻藝同

焚表

闕名

今主臨前殿懋奢藝異裘忽者陽焰發如覩吉光流麗
彩辭宸扆餘香在御樓火隨餘燼滅氣逐遠煙浮素朴
回風變凋華逐志休大垂恭儉德千古揖皇猷

觀慶雲圖

闕名

五雲從表瑞藻繪宛成圖柯葉何時改丹青此不渝非

烟色尚麗似蓋狀應殊渥彩者猶在輕陰望已無方將
偶翠幄那羨起蒼梧欲識從龍處今逢聖合符

同前

柳宗元

設色方成象卿雲示國都九天開秘祉百辟贊嘉謨
抱日依龍袞非烟近御爐高標連汗漫迴望接虛無裂素
榮光發舒華瑞色敷恒將配堯德垂慶代河圖

同前

李行敏

縑素傳休祉丹青狀慶雲非烟凝漠漠似蓋乍紛紛尚

駐從龍意全舒捧日文光因五色起影向九霄分裂素
觀嘉瑞披圖賀聖君寧同窺汗漫方此覩氛氳

府試觀開元皇帝東封圖 馬戴

儼若翠華舉登封圖乍開冕旒明主立冠劍侍臣陪迹
類飛仙去光同拜日來粉痕疑檢玉黛色訝生苔挂壁
雲將起陵風仗若迴年年復東幸魯叟望悠哉

藩臣戀魏闕 蔣防

剖竹隨皇命分憂鎮大藩恩波懷魏闕獻納望天閭政

奉南風順心依北極尊
夢魂通玉陛動息寄朱軒
直以蒸黎念思陳政化源
如何子牟意今古道斯存

文苑英華卷一百八十